



**R.P. Leonardii Lessii E Societate Iesv Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censbris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 6. Vtrum scientia hæc fuerit distincta per diuersos habitus.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

## 30 Quæst. 11. De Scientia per se infusa Anima Christi A. 4. 5. 6.

Confirmatur, Quia comprehendebat naturas omnium rerum creatarum per hanc scientiam: ergo etiam videbat in illis omnes effectus. Vnde etiam sequitur propriè loquendo non potuisse ut discursu per hanc scientiam, scilicet eo modo quo nos: Quia eodem conatu ferebatur in causis & effectis, & eorum connexionem. Et si enim erant fortè plures actus, quibus cognoscetis causam, & effectus, & horum connexionem, tamen censabantur unus: nam alter ex altero necessariò resultabat. Vnde quod hic dicit D. Thomas hanc scientiam potuisse esse collatum, intellige de discursu impropriè dicto.

### ARTICVLVS IV.

#### Vtrum hac Scientia in Christo fuerit maior, quam sit scientia Angelorum?

<sup>20</sup>  
Eius perfe  
ctor Ange  
licæ scienc  
iæ.

R Espondetur; Hanc scientiam fuisse perfec-  
tior scientiæ Angelicæ; tum, ratione  
claritatis, & certitudinis (est enim in suo ordine,  
scilicet supernaturali clara & perfecta:) tum, ra-  
tione multitudinis obiectorum; quia extendit se  
etiam ad obiecta supernaturalia. Hinc sequitur  
hanc scientiam fuisse essentialiter perfectiorem  
omni scientiæ, quæ intellectui humano vel Ange-  
lico possit esse naturalis: quia nullæ scientiæ na-  
turali creatura, possunt evidenter cognosci  
secreta cordium, mysteria gratia, & futura contin-  
gentia; quæ tamen per scientiam infusam cognos-  
cuntur.

<sup>21</sup>  
Eius cir-  
ca natura-  
lia.

Dices; Hinc quidem sequi illam esse perfectio-  
rem Angelicæ, qua parte versatur circa non na-  
turalia, non tamen qua parte versatur circa res na-  
turales. Vnde quidam existimant hanc scientiam,  
ex hac parte, non fuisse perfectiore scientiæ Ad. Sed hoc omnino falso est: Adam enim non co-  
gnoscebat perfectè naturam Angelicam; sed ea  
dumtaxat quæ naturalem captum intellectus hu-  
mani non excedunt; vt sunt corporalia; spiritua-  
lia autem valde imperfecta. Christus autem per-  
fectè cognoscebat omnes substantias spirituales.  
Deinde Christus per hanc scientiam cognoscebat  
supernaturalia: ergo per idem lumen superioris  
ordinis penetrabat etiam veritates naturales al-  
tiori modo quam homo vel Angelus. Patet con-  
sequens, Quia sicut eandem veritatem altiori  
modo cognoscit Angelus, quam homo, eo quod  
habet altius lumen; ita Christus cum haberet  
sublimius lumen quam Angelus, nempe superna-  
turale; cognoscebat etiam veritates naturales  
altiori modo, quam Angelus vel homo. Quod  
autem D. Thomas hinc addit hanc scientiam fuisse  
imperfectorem Angelicæ, quantum ad modum  
cognoscendi naturalem animæ humanæ, qui est  
per conuersationem ad phantasmatum, & per discur-  
sum; difficile est ad intelligendum.

### ARTICVLVS V.

#### Vtrum hac Scientia fuerit Ha- bitualis?

<sup>22</sup>  
Eius habi-  
tualis.

R Espondetur; Non solum actus, sed etiam  
habitus scientiæ infusa Christo inerat. Ita

D. Thomas hinc, & communior sententia Thodo-  
logorum dist. 14 in 3. Ratio est; Quia aliquoquin  
ipius intellectus non fuisset intrinsecus potens, nec  
habuisset debitam proportionem ad actus huius  
scientiæ; nam hæc potentia & proportio est per  
habitum. Confirmatur, Quia hæc scientia erat  
supernaturalis: atqui ad actus supernaturales non  
habemus perfectam potentiam, nec debitam pro-  
portionem, nisi per habitus, quibus illi actus sunt  
connaturales.

### ARTICVLVS VI.

#### Vtrum hac Scientia fuerit distincta per diuersos Habitus?

N Otandum est; In hac scientiæ tria posse co-  
siderari. Primum est, Lumen intellectuale, seu habitus, se tenens ex parte potentia, quo  
potentia completer & redditur efficax. Secundum  
est, Species intelligibilis representans obiectum,  
eiusque locum seu presentiam supplens. Tertium  
est, Actus seu operatio. Quæ tria etiam suo modo  
in scientia beatifica reperiuntur.

Dico Primum; Hæc scientia infusa, erat distin-  
cta secundum multas species intelligibiles. Est malum  
communis sententia Doctorum, præter Marsilius species.  
<sup>23</sup>  
q. 10. art. 2, qui putat in hac scientia tantummo-  
dum vnicam speciem intelligibilem fuisse, quæ pos-  
set omnia representare. Sed contrarium est longè probabilius. Primo, Quia per hanc scientiam  
Christus intuetur res diuersissimas, naturales, su-  
pernaturales, spirituales, corporeas; idque in omni-  
bus rerum generibus. Atqui videtur excedere  
conditionem speciei creatæ, vt una existens, hæc  
omnia, distinctè vt in se sunt, secundum omnes  
suas differentias representet; hoc enim videtur  
proprium diuinæ essentiæ. Secundo, Quia hæc  
scientia debebat esse minus simplex quam beatifi-  
ca, cum sit inferior: ergo per plures species  
distincta. Tertiò, Quia una scientia per unam  
speciem potest habere actum adæquatum illi spe-  
ciei, vt communior sententia Doctorum tenet:  
At Christus per hanc scientiam non cognoscebat  
omnia vnico actu, vt suppono: ergo non conve-  
nit ut haberet vnicam speciem.

Dico Secundum; Hæc species erant perfectiores  
& vniuersaliores, quam species intelligibilis Ange-  
lorum, etiam supremorum; ac proinde pauciores.  
Est communior sententia Doctorum. D. uniuersa-  
ficiates &  
llores quæ  
supremi  
Angeli,  
scotus.

Specie  
erant per-  
fectiores &  
llores quæ  
supremi  
Angeli,  
scotus.

Sed Probatur; Consentaneum erat ut Anima  
Christi haberet altiorem & vniuersalorem mo-  
dum intelligendi omnia in proprio genere, seu  
per cognitionem vespertinam; quam Angelis il-  
lisque antecesseret, non modo in claritate, sed  
etiam in generalitate intelligendi. Ergo &c.

Dices, Consentaneum erat ut Anima Christi obiectum  
superaret Angelos in perfectionibus supertaturali-  
bus, non tam in ijs quæ Angelis erant natura-  
les: atqui hæc scientia infusa est Angelis natura-  
lis: ergo in ea Christus non debet excellere.  
Sed

*Solutur.* Sed contrà; hæc scientia fuit perfectior & altior. *Hæc Christi* ris ordinis, quām scientia Angelica ( vt ostēnum est art. 4: ) ergo non est Angelis connaturalis, imò nec potest esse connaturalis alicui creature: *scientia non erat* Angelis *connatura*: quia per hanc cognoscuntur mysteria supernaturalia, & futura contingentia, quæ à nulla creatura naturaliter cognosci possunt. Ergo sicut reliqua dona supernaturalia in Christo sunt multo excellentiora, quām in Angelis; ita etiam tota hæc scientia, & ratione luminis, & ratione specierum intelligibilium. Confirmatur: quia lumen huius scientiæ est efficacius, & altioris ordinis; quām lumen naturale Angelicum: ergo & species intelligibiles illi proportionatae, sunt perfectiores & viuensaliores. Nam species intelligibiles accommodantur, & veluti adæquantur lumini, cui deseruunt; non autem perfectioni naturali intellectus.

*Species illæ erant super naturales. Soluitur.* Dices Secundò, Hæc scientia est tantum supernaturalis ratione luminis, non autem ratione specierum intelligibilium; sicut patet in fide & in prophetia. Sed contrà; hinc sequeretur hanc scientiam esse valde imperfectam, & quasi dimidiata: cum enim duo requirantur ad perfectam cognitionem, scilicet lumen, & species lumini proportionatae, hæc scientia constaret dumtaxat lumine, & careret proprijs speciebus sui ordinis. Vnde Christus per hanc scientiam nihil supernaturale perfectè & distinctè cognoscet. Nec valet similitudo de fide & prophetia; quia sunt cognitioes imperfectæ, & absens seu iudicium in his tantum est supernaturale; apprehensio autem est naturalis & imperfecta per conceptus extrinsecos & connotatiuos, id est, haustos ex rebus sensibiliibus. Nec obstat Ratio D. Thomæ: quia etiam perfectioes naturales accommodantur naturæ, supernaturales tamen non semper naturæ angustijs & humilitati accommodantur; sed subleuant interdum naturam ab imperfectione naturali, ad suam perfectionem & sublimitatem; vt patet in lumine gloriae. Quod si istæ species deberent accommodari naturali capacitatì mentis humanae, non possebant repræsentare omnia individua, proprietates, & accidentia viuis nature specificæ; quod tamen vult D. Thomas iuxta expositionem Caienani.

### D V B I V M I.

Vtrum Lumen huius Scientie sit etiam multiplex in star specterum?

*Lumen erat simplex.* R Espondeo; Hoc lumen esse tantum vnicum, & vnum numero habitum. Ita D. Thomas h̄c ad 3. Et clarius in 3. dist. 1. a. 3. quæst. 4. & alijs passim.

Ratio Est; quia quod lumen est altius, eò plura potest attingere: Sicut patet in lumine naturali Angelico, quod eti vnum sit, tamen per varias species plurima potest cognoscere, non solum spiritualia, sed etiam corporalia: ergo multo magis lumen supernaturale, quod non solum est habitus quidam, sed etiam potentia quedam supernaturalis tribuens posse; poterit se ad omnia spiritualia & corporalia, naturalia & supernaturalia extender. Quod etiam potest confirmari exemplo fidei & charitatis, quæ ad plurima se extendunt, eis in se sint simplices habitus.

### D V B I V M II.

Vtrum hac Scientia Infusa habeat unum actū sibi adæquatum?

R Espondeo; Non habere vnū, sed successuē plures distinctos numero vel specie: simul autem habet vnum actū perfectū, vni speciei intelligibili adæquatum.

Prior Pars probatur, Quia omnia corporalia & spiritualia, omnia naturalia & supernaturalia, omnes substantiae & accidentia, non possunt vnoico actu clarè & distinctè cognosci; præsettum cum non cognoscuntur in aliquo superiore obiecto; sicut in essentia diuina: atqui ad hæc omnia hæc scientia se extendebat. Addo hoc esse proprium lumini glorie, vt habeat vnum actū sibi adæquatum, quo ad omnia sua obiecta se extendat.

Secunda Pars patet, Quia actus huius scientiæ sunt varij: alij enim sunt intuitivi, alij abstractiui; alij à priori, alij à posteriori; alij in testificante, alij in recipiâ. Valde autem probabile est numquam hanc scientiam esse otiofam, sed semper in aliquo actu; sicut scientia Angelica.

Tertia Pars patet, quia species infunduntur in ea viuensalitate, vt commensurentur lumini efficiatæ; & tantum repræsentant, quantum lumen se potest simul vnoico actu extendere ( nec enim alia conueniens ratio dari potest limitatiois specierum: ) ergo actus adæquatus vni speciei, est adæquatus lumini, quatenus in vnum actum potest se cire, seu excitare; ac proinde lumen habens illum actum, non potest habere aliū perfectū. Quæ omnia confirmari possunt exemplo cognitionis Angelicæ.

### D V B I V M III.

Quale sit hec Lumen scientie Infusa?

R Espondeo; Probabile est, non esse reipsa distinctum à lumine gloriae; sed esse ipsummet lumen beatificum, quatenus vtitur speciebus intelligibilibus ad cognoscendas res in proprio genere, per cognitionem vespertinam. Sicut enim lumen naturale Angelicum primò & necessariò fertur in ipsam essentiam Angelicam, cui ipsum est naturale, & in ea quæ in essentia continentur; secundariò autem per species intelligibiles fertur in alia obiecta spiritualia & corporalia: ita lumen beatificum quod est participatio supra lumen diuini, primò & necessariò fertur in essentiam diuinam, tamquam primarium obiectum sibi connaturale, simul attingens ea quæ in ipso, vt in causa continentur; secundariò autem per species intelligibiles ferri potest in alia obiecta tum supernaturalia, tum naturalia.

Ratio est; Quia quod lumen est sublimius, eò ad plura se extendit; vt patet inductione. Et confirmari potest exemplo luminis Angelici, quod non solum ad spiritualia, sed etiam ad corporalia se extendit. Itē exemplo charitatis, quæ eti primariò diligit Deum, & bonitatem increatam; tamen secundariò fertur etiam in bonitatem creatam, tum supernaturalem, tum etiam naturalem. Contrarium tamen etiam probabiliter defendi potest; scilicet, lumen huius scientiæ à lumine beatifico distinctum esse.

Negari Tamen non potest, quin lumen beatificum etiam se ad res creatas extendat.

Vide l. 2. de summo bo. no. c. 10. n. 75.

Q VÆ S T.